

Usukkut kræfteqarneq

Peniskræft



Imarisai



Saqqummersitsisoq: Neriuffiit Kattuffiat * 2016

Ilusaa siuleq, naqiternera siulleq

Ilusilersuisoq: ReneDesign

Assit: Johanne Olsen


Quppersaakkamit uuminnga nutsigaq: Peniskræft

Nutserisoq: Else Noahsen Olsen

Kukkunersuisoq: Johanne Olsen

Contents

- 1** Usukkut kræfteqarneq
- 2** Imarisai
- 5** Usukkut kræftimik misissuineq
- 6** Usukkut kræfteqarnermi malunniutaasartut
- 8** Usukkut kræfteqarnermi katsorsartinneq
- 10** Usukkut kræfteqarnermi nappaatip suussusersinera killiffinnillu aggornilersuineq
- 13** Usuk pillugu
- 14** Usukkut kræfteqarluni inuuneq
- 17** Usukkut kræfteqarnermut pissutaasartut
- 19** Usukkut kræfteqareernerup kingorna nakkutigineqarluni misissortittarneq
- 21** Kræfti takkuteqqissagaluarpat - Usukkut kræfteqareerluni utertoornermi katsorsaaneq
- 22** Usukkut kræfteqareernerup kingorna nappaammik utertoorneq



Usukkut kræftimik misissuineq

Usummi kræfteqartoqarneranik pasitsaassisoqarpat, sinitsitsinikkut usuk isikkumigut allannguuteqarsimasoq misissugassanik peersinikkut misissorneqassaaq. Annertunerusumik misissuinerit tassaasinnaapput PET/CT-imik tarrarsuineq, tassani siaruaattoqarsimanersoq takuniarlugu.

Usukkut kræfteqarnermi malunniutaasartut

Usukkut kræfteqarnermi kræftiunera takujumi-naattarpoq, kisianni siusissumi malunniutaasartut tassaasarput ungillierineq, amqip nuuata ikerani uunartutut misigineq, allatut qalipaatinineq, imaluunniit amiata issutsinnera.

Usukkut kræftimik katsorsaaneq

Katsorsaanerit pilaanerusinnaapput, imaluunniit sakkortuumik qinngortaanerit (laser) imaluunniit qinngortaalluni katsorsaanerit – tinunerup angissusaa apequtaasarpoq, aamma kræfti siaruaasimanersoq, qanorlu ukioqarneq. Atoqateqartarnerup ingerlaannarnissaa, aammalu inuunerup pitsaasumik ingerlaannarnissaa atatiinnarniarlugit nakorsap sapinngisani tamaat usuup ajunngitsumik pilanneqarnissaa anguniartarpaa.

Usummi nappaammik kræftimik suussusersineq aamma killiffinnik aggnorsuineq

Usukkut kræfteqarnermik suussusersineq aatsaat oqaatigineqarsinnaasarpoq tinunermit ammimilluunniit misissugassanik peersilluni kræftip sana-neqaataanik nassaartoqaraangat. Misissugassatut piikkaq kræfteqartoqarneranik takussutissaqarpat, taava nakorsap kræftip tinunera qanoq angitiginer-soq misissortarpaa, aamma imerajuup sorujuar-neqartarfiinut siaruaassimanersoq. (Misissuineq taanna taaneqartarpoq killiffimmik aggnorsuineq - stadienddeling).

Usuk pillugu

Usuk angutip kinguaassutigaa. Usullu ameramik, taqaaqqanik, nukinnik, sianiutinik peqarpoq, quiner-mut, kinguaassiornermullu aamma atorluni.

Usukkut kræfteqarluni inuuneq

Usukkut kræfteqarluni katsorsartereermermi atoqatigiinnikkut ajornartorsiutit annerusumik minnerusumilluunniit atorneqartarput. Imerajuup sorujuarneqartarfisigut qinngortartilluni katsorsartereersimagaanni, taava pullattoormik ataavartumik ippiuteqarneq misigineqartarpoq (kronisk hævelse).

Usukkut kræfteqalersarnermut pissutaasut

Atoqatigiinnermi HPV-mik tunillatsinikkut aseruutoqalernikkut, eqqiluisaannginikkut, aamma nuuata amiata sukangavallaarneranik pissuteqartunik usukkut kræfteqalernissamut aarlerinaat annertunerulersinneqarsinnaavoq. Usukkut kræfti tunillaaneq ajorpoq.

Usukkut kræfteqareernerup kingorna nakkutigineqarluni misissortittarneq


Usukkut kræfteqarsimagaanni, taava katsorsartereernerup kingorna nalinginnaasumik ukiut tallimat tikillugit peqqinnissaqarfimmi nakkutigineqarluni misissortittarnissamik neqeroortoqartarpoq.

Usukkut kræftimik utertoorneq

Usukkut kræfti utertoorsinnaasarpoq, aamma imerajuup sorujuarneqartarfiinut imeqqutammiittunut siaruaassinnaalluni, imaluunniit timip pisataanut allanut.

Usukkut kræfteqarneq pillugu nalunaarsuisioneq

Usukkut kræfteqariaaseq nappaataavoq qaqutigoortoq, qallunaat nunaanni angutit napparsimalersartut nutaat 60-it missaanniittut naammattoorneqartarput. Angutini 50-it sinnerlugit ukiulinni naammattoorneqakkajunnerusarpoq.



Usukkut kræftimik misissuineq

Usukkut kræfteqarnermut pasitsaassisoqartillugu peqqinnissaqarfimmi tartunut, quup aqqutaanut, kinguaassiutikkullu nappaatinut immikkoortoqarfimmut innersuussisoqartarpoq (urologisk afdeling). Immikkoortortami tassani sinitsitsinikkut usuup allanngorneranit misissugassamik peersisoqartarpoq. Aamma immikkut ilisimasalimmit nappaatip siaruaassimanissaa pillugu nalilersuisoqartarpoq.

Misissugassamik peersineq – biopsi

Misissugassamik peersilluni misissuinikkut, tinunerlu kræftip sananeqaataanik takussutissaqarpat, taava aatsaat usukkut kræfti suussusersineqarsinnaavoq. Nakorsap misissugassamik piigaq aallaavigalugu katsorsaaniissamut pilersarusiornissamut atussavaa.

Siaruaannernut PET/CT-i atorlugit tarrarsuinikkut misissuineq

Usummit misissugassamik piikkaq kræfteqarnermik takussutissaqarpat, taava siaruaassimanissaanik takussutissaqarnermaq aamma nakorsap misissussavaa. Usukkut kræftimik siaruaanneq imerajuup sorujuarneqartarfiinut aamma siaruaakkajuttarmat. Siaruaanneq imerajuup sorujuarneqartarfiinut imeqqutammiittunut siaruaateqqaartarpoq, kingorna kuutsimi imerajuup sorujuarneqartarfiinut, kingornalu timip pisataanut allanut.

Taamaammat imerajuup sorujuarneqartarfiinut imeqqutammiittunut siaruaanneqarsimangikkaangit, taava kuutsimi timillu pisataani allani siaruaannerit qaqutigooortuusarput. Usukkut kræfti timip pisataanut allamut aakku siaruaattarnera qaqutigoorpoq.

Siaruaanneq misissussagaanni, taava PET/CT-imik tarrarsuinermi nassat ilui, kuutsit, imeqqutak, sakisallu misissorneqartarput. Misissuinermi imerajuup sorujuarneqartarfiini kuutsimi pullattoqarneranik nassaartoqarpat, taava misissugassamik peersisoqassaaq, tassani paasinialugu kræftimik nappaateqarnermaq.

Kuutsimi imerajuup sorujuarneqartarfiinut siaruannermik takussutissaqanngippat, taava imerajuup sorujuarneqartarfiinit misissugassamik peersisoqassaaq, taanna taaneqartarpoq sentinel node. Misissugassamik peersineq annikinnerusooq taanna ingerlanneqartarpoq usummik pilattaanermi ilanngullugu.

Misissuinerup siunertaa

Misissuinerit ilaat kræfteqarnermik kræfteqannginnermilluunniit paasiniaaneruserput.

Misissuinerillu allat kræftip qanoq siaruaassimatigineranik misissuinerusarlutik.

Usukkut kræfteqarnermi malunniutaasartut

Malunniutit siulliit ilagisarpaat usukkut ungyllerineq, nuuata amiata iluagut uunartutut misigisarneq, ammip qalipaataa allangortoq, imaluunniit ammip issutsinnera. Kræftip allangortitai usuup nuuata amia illumut ajakkaanni takuneqarsinnaasartut. Usummi kræfti annernarneq ajorpoq.

Aallaqqaammut usummi kræfti takujuminaassinnaasartut, allanguutillu takunngitsoorneqarsinnaasarlutik. Anguterpassuit nappaatip suussusersinnginnerani ukiup ataatsip missaani kræftip malunniutaanik peqartartut.

Uani uku atuarsinnaavatit qallunaatut:

- Symptomer på forstadier - Kræfteqaleqqajaanermut malunniutit
- Symptomer på peniskræft - Usukkut kræfteqarnermi malunniutaasartut
- Symptomer på fremskreden peniskræft - Usukkut kræftip sukkanerusumik siaruaakkiartorneranut malunniutaasartut

Usukkut kræfteqaleqqajaanermut malunniutaasartut (carcinoma in situ)

Carcinoma in situ usukkut kræfteqaleqqajaanermut malunniutaavoq. Usukkut kræfteqaleqqajaanermi sananeqatit allangortartut kræftip sananeqaataatut isikkoqarlutik, kisianni allangornerit timip ipiutaasartaasa assigiinngitsut akornanni killinganiittunut akimorneq ajorput. (in situ). Ukiuni arlalinni allangornerit taakku tassaniissinnaasartut, kisianni usukkut kræftinguukkiartorsinnaallutik.

Kræfteqaleqqajaanermi usummi kræftinnguussinnaasoq, taannalu taaneqartarpoq planocellulært karcinom:

Bowens sygdom	Ataasiinnaq, qalipaatilek, qaqortualulik imaluunniit qalipalik	Usuup timitaq, neqaa qiterleq imaluunniit tingit qulaani
Queyrats erythroplasi	Killinga erseqqarissuq, sakkortuumik appalunneqalerluni allangorneq	Usuup nuua qillertoq imaluunniit usuup nuuata amia
Balanitis xerotica obliterans	Qaamasut aamma tamatigut killii erseqqaarissunik ameq allangortoq	Usuup nuua qillertoq aamma usuup nuuata amia
Bowenoid papulose	Amerlasuut, qalipaatai sakkortusilaarnikut aappaluttumiit aappaluartumik qalipaatilek	Tamatigut usuup timitaani

Usummi kræfteqaleqqajaanermi assigiinngitsorujussuarnik isikkoqarsinnaasarput



Usukkut kræfteqarnerup malunniutai ukuusinnaapput:

- Usuup, usuup nuuataluunniit qalipaataata allanggornera – ilaatigut tungujorujuttumik/ kajortumik
- Alliarorneq maanninermut assingusog, maannineq nakasuttulluunniit isikkulik – qillertuani (usuup nuuata) imaluunniit usuup nuuata amiani
- Aniasoqaneq tipittorujussuaq, aseruunneq
- Usummit aanaarneq, ilaatigut usuup nuuata amiata ataani
- Usuup nuuata amia kingumut nusukkumi-naatsoq (phimosis)
- Ammip katannera – milaat qaqortut, aappaluttut, milaat qaqortualullit aappaluttortalliluunniit, milaat isugutattut

Usukkut kræfteqarnerup qanoq isikkoqarsinnaaneranik assersuutit marluk

Usukkut kræfteqarnerup sukkasuumik siaruaakkiartorerani aamma imaattunik malunniuteqarsinnaasarpog:

- Imerajuup sorujuarneqartarfiini imeqqutam-miittumi pullattoorneq
- Qasoqqaneq
- Naakkut anniarneq
- Niukkut pullattoorneq (lymfødem)
- Oqilineq

Malugisaqaruit nakorsiarit

Malunniuteqaraanni imaanngilaq kræfteqarnerusog, kisianni maluginiarluassavatit. Imaassinnaavoq nappaatipalaanit malunniutaasut, imaluunniit nappaatinit allanit pisuusinnammata. Malunniuteqaruit taakkununga assingusunik qanorluunniit ittoqaraluarpat misissortinnissaq pingaaruteqarpoq, taamalu katsorsartinnissaq pisariaqartitat ingerlanneqarsinnaaniassammat.

Issukkut usukkullu imminut misissorneq

Angutit tamarmik issumminnik allangortoqarnissaa eqqummaariffigalugu misissortarnissaa, taamalu ilaatigut issukkut kræfteqalernissamut siusissukkut paasiaarniassammassuk. Taamaammat aamma usummi, usuullu eqqaani allannguutaasinnaasunik misissuisarnissaq pingaaruteqarpoq.

Usukkut kræfteqarnermi katsorsartinneq

Usukkut kræfteqarnermi katsorsartinneq pilaanikkut imaluunniit qinngortaaniikkut ingerlanneqartarpoq, kisianni aamma qinngortartilluni katsorsartittoqarsinnaavoq, imaluunniit kemortilluni. Ilaatigut arlariissillugit katsorsaasoqartarpoq.

Usummik katsorsaaneermi apeqqutaasarpog tinuneq sumiinnersoq, angissusaa, nappaatip killiffia, kiisalu napparsimasup peqqissusaa ukiuilu. Usummik kræfteqartumik ajorunnaarsitsinissamut periarfissat pitsaasuupput, kisianni katsorsartinneq iluaalliutinik assigiinngitsunik malitseqartarpoq.

Usukkut kræfteqaqqajaasumut katsorsaaneq (dysplasi aamma carcinoma in situ) usummut kræfteqarnermut.

Usukkut kræfteqaleqqajaanermi katsorsaaneq usuk pigiinnarlugu qinngortaalluni katsorsaariaatsit ittumik ingerlanneqartarpoq, imaluunniit annikitsunnguamik pilattaanikkut ingerlanneqartarluni. Qinngortarneragut nakorsap qinngornermik sakkortuumik katsorsarniagag eqqoqqissaarlugu pilattarlugu qinngortarsinnaavaa, taannalu savittut pilattaasarpog. Qinngortarlugu pilattaanermi tamakkiisumik sinitsitsinikkut ingerlanneqartarpoq.

Kræfteqaqqajaanerit ilaatigut crème-mik katsorsarneqartarput, taakkulu kemomik imaqartarput. Nakorsaataapput fluorouracil (5FU) imaluunniit imiquimod, taakkulu timip nammineerluni kræftimut illersuutaanut aallartitsiniarluni sunniuteqartarput.

Usukkut kræfteqaqqajaanermut katsorsartereernermi akulikitsunik nakorsamit nakkutigineqarluni misissortittoqartarpoq, taamaalilluni ilaatigut nappaammik utertoorneq paasineqarsinnaasarluni aamma sukkanerpaag atorlugu katsorsarneqarsinnaasarluni.

Usummi kræfteqarnermi katsorsartinneq

Usummi qaapiaannarlugu kræfti anginerulersimanngitsoq pilattaanikkut peerneqartarpoq. Kræftili allinerusimappat, taava ilaanik katsorsaasoqartarpoq, imaluunniit tamaat peerneqartarluni.

Usukkut kræfteqarnermi siaruaannermik katsorsaaneq

Nappaammik sukkasuumik siaruaattoqartillugu pilattaaneq kisimi naammanneq ajorpoq. Kuutsimi imerajuup sorujuarneqartarfiinut siaruaassimappat, taava kræfteqartut immikkoortortaqarfiani qinngortartilluni katsorsarteqqinnissamut neqeroorfigineqartarput, taannalu kemomik akullugu ingerlanneqartarpoq.

Imerajuup sorujuarneqartarfiinut imeqqutamiittunut siaruaanneqarsimappat, taava katsorsaaneq pilattaanikkut imaluunniit kemomik qinngortaanermillu ingerlanneqassalluni.

Annjarunnaarsitsiniarluni katsorsaaneq

Angutini usukkut kræfteqartuni amerlanerni kræfti tamaat peerneqarsinnaaneq ajorpoq. Imaassinnaavoq kræfti siaruaassimasoq, imaluunniit nalinginnaasumik peqqinnginneq pissutaasinnaalluni. Taamaakkaluartoq annjarunnaarsitsiniarluni katsorsartittoqarsinnaavoq (palliativ)

Usukkut kræfteqarluni utertoormi katsorsartinneq

Usukkut kræfteqaqqilerluni utertooraanni, taava pilatseqqinnissaq ilimanarluinnarpoq, tassani tinuneq peerneqassalluni. Periarfissaq alla tassaavoq qinngortartilluni katsorsartinnessaq, tassani qingortartereersimanngikkaanni. Nappaat siaruaassimappat, pilatsinnissaq, qinngortartinnissaq, imaluunniit kemortinnissaq pisariaqalersinnaavoq.

Kræftimik napparsimallutik katsorsartittunut sungiusarneq ajunngitsumik sunniuteqarluartarpoq.

Kræftimik nappaateqarneq, aamma katsorsartinneq qasunartarpoq, timikkut sanngiillineq, aammalu nikallunganermik malunniuteqartarluni, katsorsartinnermiit saniatigut sunniutaasartut inuunilunnarsinnaasaramik.

Misissueqqissaarnerup annertuup takutippaa, cykkilerluni, nalulluni, nukkassarluni, qasujaallisarluni timigissartarnerup, yoga-mik aamma pilates-imik ingerlataqartarnerup napparsimasup peqqissusaa malillugu pitsanngoriartartut. Qasunerup annikillinerata saniatigut napparsimasut sulinermut, sunngiffeqarnermut, inoqatinillu naapitsinissamut atatillugu iluarisimaarinninnerat annertunerulersarpoq. Ilaallu isumakulunginnerulersarput sinnarliorpallaarunnaartarlutillu.





Usukkut kræfteqarnermi nappaatip suussusersinera killiffinnillu aggornilersuineq

Usukkut kræfteqarneranik paasisaqartoqarsinnaavoq tinunermit imaluunniit amermit misissugassanik peersilluni misissuinikkut takuneqarsinnaappat kræftip sananeqaataanik peqartoq.

Usuk ipiutaasartanik assigiinngitsunik arlalinnik peqarpoq. Kræftip suunera apeqqutaalluni kræftip sananeqaatai sorliit naasimanersut paasineqartarpoq. Tamanna misissugassanik peersinikkut allisit-siuserluni misissuinikkut paasineqartarpoq.

Usukkut kræfteqariaatsit (95 %-ii sinnerlugit) pladeepitelkarsinom-inik taaneqartartut

Pladeepitelkarsinom usummi tamarmi pilersinnaasarpog, kisianni usuup nuuani, imaluunniit usuup nuuata amiani pilikkajuttarpoq. Kræfteqariaaseq taanna ukiorpassuit ingerlanerini alliertortarpoq arriitsumik, kisianni sukkasuumik ineriartortarluni. Nappaammik suussusersiaarnermi katsorsaanerup inernerit pitsaasuusarput.

Verrukøst karcinom pladeepitelkarsinom-iuvoq usummi qaqutigoortumik naasartog. Maannineru-jussuurtut isikkoqarpoq, arriitsumik naasarpog, aammalu qaqutiguinnaq timip pisataanut allanut siaruaattarluni. Verrukøst karcinom pilattaanikkut peerneqartarpoq.

Usummi kræfteqariaatsit allat ataatsimut katillugit 5 %-iupput, ukuusinnaallutik:

- Annissakkut kræfteqarneq – qaqutigoortorujussuaq, usuup nuuaniittartog, ikiusinnaasog
- Basalcellekarcinom – pullaaseeraq annernanngitsoq, usummiittartog, arriitsuarsuarmik alliertortartog.
- Adenoarcinom – qinersini aalarfinniittartog
- Kaposis sarkom – tupinnaannartumik qaqutigorsuaannaq takkuttartog, aappaluaartumik tungujornernik mikisuararpassuarnik allaniit sukkanerusumik alliertortartog

Kræftit allat usummut siaruaattartut qaqutigoortorujussuit, kisianni ilaatigut nakasummi naammattoorneqartartut, anisuup aqquataa qinersiani, tartuni, puanni, aamma inalugarsuarmi, ammanermilu naammattoorneqartartut.



Usukkut kræfteqarnermi killiffinnik aggornilersuineq misissuinerlu

Misissugassanik peersilluni misissuinermi kræftimik nassaartoqarpat, taava nakorsaq nappaatip qanoq siaruaatsigisimaneranik missingersuissaaq. Taamaammat misissuinerit assigiinngitsut ingerlanneqartarput.

Misissuinerit taakku kræftip tinunerata qanoq atsigineranik paasissutissanik piffiusarput, aammalu imerajuup sorujuarneqartarfiinut siaruaattoqarsimanersoq, imaluunniit timip pisataanut allanut siaruaattoqarsimanersoq tassani takuneqarsinnaasarluni. Taanna taaneqartarpoq killiffinnik aggornilersuineq, aammalu nappaatip timimi qanoq siaruaatsigineranut uuttuutaasarluni.

Killiffinnik aggornilersuinerup siunertaraa, katsorsaariaatsip qanoq ittup atorneqarnissanut nalilersuutigineqartarluni.

Killiffinnik aggornilersuineqTNM aallaavigalugu ingerlanneqartartoq

- T isumaqarpoq tinuneq qanoq ititigisumik naasimanersoq (tumor)
- N isumaqarpoq imerajuup sorujuarneqartarfiinut siaruaanneq qanoq annertutiginersoq (nodes)
- M isumaqarpoq timip ilaanut allanut siaraanneq (metastaser)

T isumaqarpoq tinuneq takutittarlugulu tinunerup qanoq annertutiginera:

- TX pingaarnertut tinuneq naliliiffigineqarsinnaanngitsoq
- T0 pingaarnertut tinuneqanngitsoq
- Tis Carcinoma in situ – kræfteqaqqajaanermut nalunaarsuut
- Ta Non-invasivt verrukøst karcinom – kræfti qaaginnaani naanikoq maanninertullu isikkulik
- T1 tinuneq ammip iluani timip ipiutaasartaaniittoq
- T1a tinuneq ammip iluani timip ipiutaasartaanut naanikoq, aap ingerlaarfiniinngitsoq, sananeqaatai aamma saassussiumatuujunngitsut
- T1b tinuneq usummi allisaatinut naanikoq
- T3 tinuneq quup aqqaata iluanut naanikoq
- T4 tinuneq kræfteqarfup eqqaanut attuumasunut naanikoq. Assersuutigalugu anisuup aqqaata qinersianut naanikoq

N isumaqarpoq node (imerajuup sorujuarneqartarfinit) sumiiffimmi siaruaannerit

- NX imerajuup sorujuarneqartarfinit sumiiffimmiittut nassuiarneqarsinnaanngitsut
- NO imeqqutammi imerajuup sorujuarneqartarfii annerulersimanngitsut
- N1 imeqqutammi imerajuup sorujuarneqartarfii kræfti
- N2 imeqqutammi imerajuup sorujuarneqartarfii kræftit marluk arlallilluunniit
- N3 kræfti imerajuup sorujuarneqartarfisa avataanut siaruaassimasoq, taamalu imeqqutammi timip ipiutaasartaanut ilummot naasimasoq, imaluunniit kuutsimi imerajuup sorujuarneqartarfinit siaruaanneq.

M isumaqarpoq siaruaanneq takutittarlugulu timip pisataanut allanut siaruaanneq:

- M0 siaruaanneqanngitsoq
- M1 siaruaanneq, assersuutigalugu tingummut puannulluunniit

Assersuut:

Assersuutigalugu T2 N1 M0 isumaqarput, tinuneq usummi allisaammot naasimasoq, aamma imerajuup sorujuarneqartarfianut imeqqutammiittumut ataatsimut siaruaassimasoq, kisianni timip pisataanut allanut siaruaanneqanngitsoq.

Siunnersortimik immikkut ilisimasalimmik ikiorneqarit

Suliamik immikkut ilisimasalimmik oqaloqateqarnissaq iluaqutaasinnaavoq. Assersuutigalugu nakorsarisat, imaluunniit tarnip pissusaanik ilisimasalik oqaloqatigisinnaavat. Aamma kræftimik akiuniartut siunnersuisinnaasut ikiorneqarnissannik saaffigisinnaavatit, imaluunniit kræftlinie-mut sianernikkut ikioqqusinnaavutit.

Allat ilittut ajornartorsiuteqartut naapikkitt

Cancerforum-imi ilinnut ilisaritinnikkut profil-eqalersinnaavutit, taamaalillutillu eqqarsaatitit misilitakkatillu napparsimasunut allanut ilaqtanullu ingerlateqqissinnaalissavatit. www.cancerforum.dk

Usuk pillugu

Usuk angutip kinguaassiutigaa. Quinermut kinguaassionermullu atortuuvoq. Usuup iluani quup aqputaa ippoq, taannalu nakasummut atavooq, aamma anisuut issummeersut timimiit anillangallutik inissisimaffigaat. Usullu ameramik, nukinnik, sianiutinik peqarpoq, aamma aap ingerlaarfippassuinik peqarluni.

Nuua ammalorujuttoq taaneqartarpoq usuup nuua (glans). Usuup nuuata amia (præputiet) aalasinnaalluni marloqiusamik peqinnilimmik ameqarpoq, taassumalu usuup nuua assersimavaa, minnerungitsumik usuup nuua pilallugu peersimangippat.

Usuup nuuani quup aqputaa ersippoq.

Usuup nuua usuullu nuuata amia orsumik taaneqartartumik smegmamik ilaqarpoq, taannalu ammip sananeqaataanik immikkoortunik ilaqarpoq, aamma usuup nuuani amerimi orsut qinersiinit kakkik, kiisalu usuup nuuata amiata ilua.


Usutta pingasunik kaavissinnaasunik usummik allisaateqarput: annerusut marluk (corpora cavernosa) illugiit, aamma ataaseq minnerusoq (corpus spongiosum) usuup qeqqata ataani inissisimasooq. Usuup nuua corpus spongiosum ilagaa.

Usummik allisaatit nukiit ipiutaasartaanik imaqarput, aallu ingerlaarfiinik (kavernøst væv) taannalu tissannermi aammik immertarpoq, taamaalilluni usuk atoqateqarnermi tissassinnaalertarluni.

Usuup sorlaa timip iluaniippoq.

Usukkut kræfteqarneq

Usukkut kræfteqarneq qaqutigooortuuvoq. Usummi sumiluunniit kræfteqalersinnaavoq, kisianni ammip ataani naammattoorneqakkajunnerulluni, imaluunniit usuup nuuani. Kræfti paasineqajaaraangami pitsaasumik katsorsarneqarnissaanut periarfissaqarluarnerusarpoq.





Usukkut kræfteqarluni inuuneq

Usukkut kræfteqarluni katsorsartereernerup kingorna angutit amerlanerit atoqateqartarnikkut annerusumik minnerusumilluunniit ajornartorsiuteqalersarput. Imerajuup sorujuiarneqartarfini qinngortartilluni katsorsartinneq niukkut pullattoqartalernermik ataavartumik kinguneqartitsisarpoq, aamma timip ilaa appasinnerusumut sunniuteqartarluni. Nerisat, ilaqtariinni inuuneq aamma suliffik pillugit annertunerusumik atuarit.

Nappaatip atoqateqartarnerit sunnersinnaavaa

Kræftimik eqqugaasorpasuit misigisarpaat kræftimik napparsimanerup katsorsartinnerullu qanoq iliorsinnaanerminnik iliorusunnerminnullu kræftimik eqqugaanertik pissutigalugu akornuteqalersinneqarlutik. Sulili tiinganiarsinnaaneq pigiinnarsinnaavat.

Saniatigut sunniutaasartunik kingunerluutillu nalinginnaasut pillugit siunnersuutit

Kræftimik katsorsartinnerup nalaani kingornatigulluunniit ajornartorsiutit pilersimasut, tassalu nappaammik pissuteqartut, imaluunniit katsorsartinnermi saniatigut malunniutaasartunit pissuteqarsinnaapput. Assersuutigalugu kræftimik napparsimasut amerlasuut piffissap ilaani qasusartorujussuusarput. Illit ulluinnarni qasusarnerit pillugu, imaluunniit saniatigut sunniutaasartunik kingunerluutinillu qanoq ilillutit qaangiiniartarnissat pillugu siunnersutinnguit amerlanngikkaluartut pissarsivigisinnaavatit.

Timminnerit aamma quiniarnikkut ajornartorsiuteqarnerit

Qinngortartilluni katsorsartereernerup kingorna inuit ilaannut quiniarnikkut ajornartorsiuteqalernermik ataavartumik nalaataqartarput, imaluunniit inalukkakkut ataavartumik timminnertut ittunik imaluunniit inalukkakkut aanaarnernik pilersoqartarnera naammattuugassaasarput.

Inalukkakkut aanaartoqarnerit katsorsarneqarsinnaapput, tassani steroid (binyrebarkhormon-it) inalukkamut isertinnerisigut pitsaanerulersinneqarsinnaagamik, aamma annanik aqilortitsisinnaasut iluaqutigalugit.

Imeqqutakkut qinngortartilluni katsorsartereernerup kingorna nissukkut pullattoortalernissamut aarlerinaat

Imeqqutakkut kuutsikkullu imerajuup sorujuiarneqartarfisigut qinngortartilluni katsorsartereernerup kingorna nissukkut illugiinnik pullattoortalernissamut ataavartumik ineriartortitsisarneq atorneqarsinnaasarpoq, aamma timip ilaani appasinnerusumi sunniuteqartartumik. Taanna taaneqartarpoq lymfodem.

Lymfødem-it takkuttarnerinut pissutaasarpog, imerajuup qinersiini imeqalertoortarneq, tassani imerajuup aqqutai qinngortaalluni katsorsaaneq pissutaalluni innarlerneqarsimasaramik. Ataavartumik pullattoorneq (lymfødem) pissuteqartarpog imerajuup imertaata annertusiartornera imerajuup aqqutaasa qinngortartinnerup kinguneranik innarlerneqartarneri. Lymfødem katsorsartereernerup kingornagut ukiualuit qaangiunnerini pilersinnaasarpog.

Ataavartumik pullattoortarneq pinngitsoortinniarlugu nammineerluni iliuuserisinnaasat:

- Nissukkut pullattoornissamut malunniuttoqarpat, taava nissut qummut saatillugit inissinneqartasapput, atuarujoornermi, tv-illuunniit isiginnaarnermi taamatut iliortoqartarsinnaavoq.
- Amikkut aseruuttoornaveersarit, tassani pullattoornissamut ineriartortitsilernissamut aarlerinaat pilersarmat
- Annikinnerusumik pullattoornissamut isumassarsiatsialaasinnaasoq tassaavoq alerseq ikorfartuut. Assersuutigalugu iisartagaarniarfinni alersinik ikorfartuutinik pisiassaqartarpog.
- Pullattoortarpallaalissagaanni, taava kamippaliortumut alersinik ikorfartuutinik sanatitsisoqarsinnaavoq.
- Aamma immikkut ittumik pullattoortarnermut katsorsartittoqarsinnaavoq, aamma timigissaasumit tagiartortittoqarsinnaalluni, tassani pullattoornermik immikkut ilisimasalimmit.

Pullattoqarlutit malugigukku nakorsarisat attavigiuk, aamma naqitsinermik annertusisumik malugisaqaruit, imaluunniit annialeruit. Pullattoortarneq nappaatip suussusersinerani katsorsarneranilu siusissumi nakkutigiuminarnerusinnaasarpog katsorsartinneq siullermik inuuneq tamaat katsorsartinneruvoq, aamma ammip paarinissaanut. Nakorsavit timigissaasumut innersuussinnaavaatit, tassani timigissaasoq pullattoornermut suliamik immikkut ilisimasalimmut, taamaalilluni pullattoornermik aamma alersinik ikorfartuummik katsorsartinnissaq periarfissaalluni.





Sungiusarneq, sungiusaqqinneq, piginnaangorsaqqinnerlu

Kræfteqaruit timigissartarlutit aalasarlutillu ilinnut iluaqutaassaaq. Napparsimalinnginninni timigisartarsimangikkuit massakut eqqissillutit aallartiinnarsinnaavutit. Kræfteqarninnut katsorsartereer-simaguit timigissartarnerup timit pissatsisissinnaavaa.

Pilatseerernerup, kemortinnerup imaluunniit qinngortartilluni katsorsartereerunerup kingorna napparsimasut ilaat sungiusaqqinnissamik pisariaqartitsisarput, tassani timikkut ippigusuuteqarneq pissutaasarpog. Peqqinnissaqarfimmiit angerlannginnermi sungiusaqqinnissamut pilersaarusiorneq pisinnaatitaaffittut pingaaruteqarpoq.

Napparsimasut ilaasa qaqeqqinnissaminnut tarnikut timikkullu ikiorneqarnissaq pisariaqartittarpaat, assersuutigalugu pullattoortalersimagaanni. Taanna taaneqartarpoq piginnaangorsaqqinneq. Piginnaangorsaqqinnissamullu naliliiffiqineqarnissaq pingaaruteqarpoq, tassani peqqinnissaqarfimmiit angerlannginnermi tamanna pisariaqarluni. Nakorsat katsorsaasorisat peqqissaasut, timigissaasut illillu piginnaangorsaqqinnissannut pisariaqartitsinersutit naliliiffigissagassiuk.

Timimik isiginnittariaatsimi allannguutit

Nappaativit katsorsartinnerpillu immaqa imatut ilisissinnaavaatit, illit timit allanngornikoq inuuffigissallugu ilinniartariaqassagit. Immaqa timit allanngunngikkaluarpoq, kisianni timinnut isiginnittariaatsit allaanerulernikuuvoq. Katsorsartereerunerup kingorna amerlanerit misigisarput nappaataarunikuuneq sivitsoriartortillugu, sulii upperalugulu aamma timimut tatiginnileqqissinnaasarlutik.

Nerisat aamma kræfti

Katsorsartinninni timit pissatsiseqqissinnaavat, tassani suut nerinerlugit eqqarsaatigilluortarukku. Kræftimik katsorsartereerunerup kingorna nerisat peqqinnartut aamma timinni nukissamik nutaamik tunisisinnaammata.

Kræfteqarnermi kingornalu sulisarneq

Napparsimasut ilaat sulinerminnik ingerlatsiinnartarput, aamma katsorsartinnermik nalaani. Ilaat piffissaq tamaat suliuunnaarallartariaqartarput. Sulileqqinnissamut periarfissat arlaqarput, taakkulu assiginnigitsunik atugassaqartitsisarput. Napparsimasut tamarmik kræftimik napparsimareerlutik sulileqqinnissaminnut periarfissaqarneq ajorput, aamma ilaat suliuunnaartariqartarlutik.

Eqqarsariaatikkut periutsit

Soorlu takussutissiisnaaneq, mediteerersinnaanerlu anniarninnut annikillisaataasinnaapput, anni-laanganerit ikiorsersinnaavaat, aammalu inuunerup pitsaanerumik ingerlateqqinnissaa katsorsartinnerup nalaani periarfissaqartinneqaqqilertarpoq.

Usukkut kræfteqarnermut pissutaasartut

HPV-mik kinguaassiutitigut tunillatsinnerup kinguneranik aseruuttoornerup usukkut kræfteqalernissamut aarlerinaat annertunerulersissinnaavaa. Eqqiluisaannginneq aamma usuup nuuata amiata nerukipallaarnera aamma aarlerinaammik annertunerulersitsisinnaavoq. Usukkut kræfti tunillaanneq ajorpoq.

Usukkut kræfteqalertarnerni tamani qularnanngitsumik HPV-mik tunillatsissimanermit pissuteqartumik 40-50 %-it usukkut kræfteqalernermut pissutaasarpoq.

Ilisimatut isumaqarput usukkut kræfteqalertartut 40-50%-it tikillugit HPV-mik tunillatsissimaneq pissutigalugu kræfteqalertartut.

HPV nappaataavoq atoqatigiinnikkut tunillaasartuq. HPV-mik aseruuttoorneq inuusunnerusuni akulikinnerusumik takussaasarpoq. Amerlanerit inuunermi ingerlanerani tunillatsittarput, kisianni amerlanerpaani HPV-mik aseruunneq nammineerluni peeqqittarpoq.

HPV-it assigiinngitsut amerlasoorpassuupput:

- Virus 6 aamma 11 kinguaassiutitigut unngoqalersitsisinnaapput (kondylomer)
- Virus 16 aamma 18 ataavartumik aseruunninngorsinnaavoq, taanna illissap paavatigut kræfteqalersitsisinnaavoq, qaqutigooerneruvorlu utsuit paavatigut, ammanikkut, itikkut, aamma usukkut kræfteqalersitsisarnera, kiisalu oqakkut aamma qinnguklut kræfteqariaatsini naammattoorneqartarluni.

HPV-virus-it 16 aamma 18 qaqutiguinnaq kinguaassiutitigut unngoqalersitsisarput, kisiannili angutit kinguaassiutimikkut unngoqarnikuusimasut, usummikkut kræfteqalernissamut annertuumik aarlerinaateqartarput. Tamanna HPV-nik arlalinnik tunillatsissimasinnaanermik pissuteqarunarpoq.

HPV-imut ajorunnaarsitsisinnaasumik katsorsaateqanngilaq. HPV-mut akiuussutissamik kapisisarneq EU-mi akuerineqarnikuuvoq, tassani arnat illissap paavatigut kræfteqalernissaat pinaveersaartinniarlugu. Akiuussutissamik kapisisarneq kræfteqariaatsinut allanut illersuutitut atornissaa siunertaasimavoq, tassani usukkut kræfteqartarneq aamma ilaatinneqarluni.

Usuup puui, aamma pilaasarneq nappaammik HPV-mik aseruunneqalernissamut aarlerinaat appartittarsimavaat.

Misissuinerit ilaasa takutippaat, angutit usuup puunik atuineq ajortut, usummikkut kræfteqalernissamut annertuumik aarlerinaateqartut. Immaqa usuup puuisa HPV-mik aseruunneqalernissamut aarlerinaammik annikillisisarnerat pissutaavoq.

Pilattaaneq usukkut HPV-mik aseruunnernut, aamma usukkut kræfteqalernissamik aarlerinaat annikillisittaraat erserpoq.



Kinguaassiutitigut eqqiluisaanginnerup aamma usuup nuuata amianik ninnineqarnerup aarlerinaat annertunerulersittarpaat

Angutit usummi nuuanik saliisanngikkunik, taava kakkinnik annertusiartortitsilissapput, aamma amqip sananeqaatai toqoralissallutik, taakku taaneqartarput smegma, qingnartumillu ippiortitsinnaallutik aamma usummit aseruuttoorneqalersinnaallutik.

Angutit usummik nuuata amianik ninniguppallaamik amillit illuartitsisinaanerminnik ajornartorsiuteqartarput (phimosis), taamalu usuup nuuata eqqiluisaartinnissaa ajornakusoortittarlugu, aamma angutinut allanut sanilliukkaanni tallimariaammik aqqanileriaammillu usukkut kræfteqalernissamut aarlerinaataat annertunerusarluni. Usukkulli kræfteqalertarneq qaqtigoormat, tassani aarlerinaat sulii annikippoq.

Pilaaneq (circumciscio) aarlerinaammik anikillisisarpoq

Naalungiarsuunerini pilaanikkut usukkut kræfteqalernissamut aarlerinaammik anikillisisoqarsinnaavoq. Angutit usummik nuuata amianik peersitsisimangitsut usummik nuuisa eqqiluisaartinnissannut ajornakusoortitsinerusaramik. Inuunerminni kingusinnerusumi pilatsikkunik, naalungiarsuunermi pilatsittut assinganik illersuutissarsineruneq ajorput.

Timip akiuussutissaa annikinneruleraangat aarlerinaammik annertunerusumik ilimanaateqarnerulertarpoq

Timip akiuussutissaa annikillisimappat, taava kræfteqalernissamut aarlerinaammik annertunerusumik ilimanaateqarneq nalinginnaanerusarpoq, aammalu usukkut kræfteqalersinnaaneq tassani ilaavoq. HIV-mik imaluunniit AIDS-imik nappaateqaraanni, taava timikkut akiuussutissaqarneq annikinnerulersarpoq, imaluunniit timip akiuussutissaanik annikillisisinnaasunik, timip pisataanik nuussinermi atortartunik nakorsaateqaraanni.

Nakorsammik PUVA-mik katsorsartinnerup aarlerinaat annertunerulersittarpaa

Amikkut nappaat psoriasis aamma kræfti hudlymfomer-tut ittunik nappaateqaraanni, taava ilaati-gooriarluni PUVA-mik nakorsaasiilluni katsorsaasoqartarpoq, taakkulu iisartakkat psoralen aamma ultraviolet-imik qingnortaaneq tapitariissillugit katsorsaanerme atorineqartarput. Angutit PUVA-mik iisartagaqarsimasut, usummikkut kræfteqalernissaminnut aarlerinaataat annertunerusarpoq.

Pujortartarnerup aarlerinaat annertunerulersittarpaa

Misissuinerup takutippaa, pujortartarnerup aamma usukkut kræfteqaleriartuaarnerup akornanni attumassuteqartartut. Pingaartumik HPV-mik tunillatsissimaganni, ilisimatusarnerup takutippaa usukkut kræfteqalernissamut aarlerinaateqarneq annertunerulertartoq.

Kingornuttagaq

Usukkut kræftip kingornuttagaaneramik aarlerinaammik ilisimannittoqanngilaq.



Usukkut kræfteqareernerup kingorna nakkutigineqarluni misissortittarneq

Usukkut kræftimik katsorsartereernerup kingorna, nalinginnaasuuvoq urologisk-ip immikkoortortaarfiani nakkutigineqarluni misissortittarneq, taannalu qaammatinik pingasunik arfinilinnillu akunneqartumik misissuisarneq ingerlanneqartarpoq, ukiullu tallimat tikillugit ingerlanneqartarluni. Nakkutigineqarluni katsorsartinneq apeqqutaasarpoo, katsorsartinneq qanoq ittoq atorsimanersoq. Napparsimasut usumminnik pigisaqaannarlutik katsorsartissimasut akulikinnerusumik nakkutigineqarlutik misissortittarput.

Katsorsartereersimagaanni nalinginnaasuuvoq peqqinnissaqarfimmi nakkutigineqarluni misissortitarnissamik neqeroorfigineqarluni periarfissinneqarnermut takkuttarneq. Misissuineq unitsinneqarani ingerlanneqartarpoq, tassa innanngikkaluarluni.

Nakkutigineqarluni misissortinneq qanoq ingerlasarpa?

Nakkutigineqarluni misissortinnermi nakorsaq saniatigut sunniutaasartunik oqaloqatigineqartarpoq, aammalu nappaat uteqqissimannginnersoq misissorneqartarluni.

Katsorsariaatsit assigiinngitsut arlallit, katsorsartereernerup kingornagut usukkut kræfteqareernikunut nakkutiginnilluni misissuisarneq

Pilattaaneq, tassani usuk peernagu, aamma imerajuup sorujuarneqartarfinut siaruaanneqanngitsoq, Tassani qaammatit pingasut akunneralugit takkuttarneq, tamatumalu kingorna qaammatit arfinilinnik akunneqartartumik ukiuni pingasuniit tallimat tikillugit sivissuseqartumik misissortikiartortarneq.

Usummik tamarmiusumik ilaannakortumilluunniit piigaqarnerup kingorna, tassani imerajuup sorujuarneqartarfinut siaruaanneqanngitsoq. Ukiuni marlunni siullerni qaammatit arfinilikkaarlugit, tamatumalu kingorna ukiumut qaammatit arfinilikkaarlugit ukiuni pingasuni aamma tallimanik sivissuseqartumi.

Imerajuup sorujuarneqartarfinut siaruaanneqartumi. Ukiuni marlunni qaammatit pingasukkaarlugit, tamatumalu kingorna ukiuni pingasuniit tallimat tikillugit qaammatit arfinilikkaarlugit.

Nappaammik utertoornertit tamakkerlugit 92%-ii ukiut tallimat iluanni pisarmata, nakkutigineqarluni misissortittarneq ukiut tallimat qaangiukaangata misissortittarneq unitsinneqartarpoq imminut misissorsinnaaneq saperneqanngikkaangat.

Nappaammik utertoornermi malunniutaasartut

Ilaatigut nappaammik utertoornermi sunniutaasartut ikimik nutaamik imaluunniit usummi tinunermik nutaamik pilersoaqqakkajunnerusarput.

Imeqqutammi nappaammik utertoorneq pullattoornikkut imaluunniit imeqqutammi tinuneqalernikut ersertarput. Tinuneq annernarsinnaasarpog, kisianni nalinginnaasuvoq anniarsaqartannginneq.

Allannguteqarsinnaaneranik imminut misissortarit

Usummi imaluunniit imeqqutaqarfanni piffissap sivikitsup iluani allanngortoqarsinnaanera takuniarlugu pingaaruteqarpoq imminut misissortarnissaq, tassami nappaammik utertoorsinnaanermut malunniuttoqarsinnaanera sillimaffiginiarlugu. Allannguutit usuup qalipaataanik allanngornerusinnaapput, ikiarannguusinnaallutik, pullanneq, imaluunniit usummi imeqqutamiluunniit allanngornerusinnaallutik.

Usukkut kræfteqarluni pilattartereernermi qinngortartilluni katsorsartereernermi ammip qalipaataa aamma ikit ipiutaasartai allanngorsinnaasarmata, taakkulu ilaatigut kræftiunersut takuneqarsinnaarpiarneq ajormata. Nalorniguit nakorsat attaveqarfigiuk.

Katsorsaanissamik naliliineq

Nakkutigineqarluni misissortittarnerni nakorsap aamma qulakkiissavaa, katsorsartinnerit naammaginartumik ingerlasimanersog. Katsorsariaatsimik allamik nutaamik katsorsartissimaguit, assersuutigalugu misileraalluni katsorsaanermi peqataasimaguit, taava nakorsamut pingaartuuvoq tamakku tamaasa allattonnissai, aamma katsorsaaneq pilersaarutaasutut ingerlasimanersog, imaluunniit katsorsaanerup allatut ingerlanneqarnissaa pisariaqartinneqarnersog.

Kræfti takkuteqqissagaluarpat - Usukkut kræfteqareerluni utertoormi katsorsaaneq

Nakorsamut apeqqutit

Nakkutigineqarluni misissortikkiartortarnermi periarfissatsialaassaaq apeqqutissat, isumakulutit, ajornartorsiutillu qaqilertarnissaat. Apeqqutigiumasat misissortinnginnermi takkunnissamut allatto-reerlugit pitsaanerusarpoq, aamma misissortinnermi ilaquataasut ilagisarnissaat ajornanngilaq.

Malunniutit ippigusunnerillu maluginiartakkit

Pingaaruteqarpoq malunniutinik nutaanik malugisaqarnermi nakorsarisap paasitinnissaa, imaluunniit arlaannik allanngortoqarneratigut paasitinnissaa, tassani nakorsarisavit periarfissaqarpat katsorsartin-nissannik imaluunniit anniarunaarsinniarlutit katsorsarnissannik neqeroorfiginiassammatit. Aamma imaassinnaavoq malunniutit katsorsartereernerpit kingorna aatsaat takkuttut.

Saniatigut malunniutaasartunik ippigusuutinilluunniit katsorsartinneq

Nakorsap saniatigut sunniutaasartunik imaluunniit ippigusuutinik katsorsaanssamik piunasaqarsin-naavoq. Aamma pisariaqassappat nakorsaatit nalimmassarnissaannik ikiorsinnaavaatit.

Katsorsartereernerup kingorna ajornartorsiuteqassappat, taava assersuutigalugu nerisat, inooriaatsip, ikiorsiinerulluunniit tungaatigut siunnersuutinik pitsaasunik siunnersorneqarsinnaaneq ajornanngi-laq, kiisalu suliamik ilisimasaqartunut ikiuisinnaasunut allanut innersuussisoqarsinnaasarluni.

Nakkutigineqarluni misissortittarnermut siunnersuutit pitsaasut

- Katsorsartinnerpit naammassinnginnerani nakorsarisat nakkutigineqarlutit misissortittarnissap qanoq akulikitsigissassaneranik oqaloqatigiuk, aamma nakkutigineqarninni misissuinerit suut ingerlanneqartassanersut apeqqutigikkit.
- Malunniutaasartut suut eqqumaffigisariaqarnersut apeqqutigikkit, aammalu malunniutit takkutis-sappata kina attavigissanerlugu.
- Nakkutigineqarlutit misissortinninnit kingullermit qanoq issimanerit allattaruk, ilisimasallu taanna nakorsannut ingerlateqqillugu.
- Misissortikkiartorninni ilaquatat ikinngutilluunniit ilagisaruk – tamannami amerlasuunut taperser-suutaasarmat



Usukkut kræfteqareernerup kingorna nappaammik utertoorneq

Usukkut kræteqarnek sumiiffimminut takkuteqqisinnaasarpog, aamma imerajuup sorujuarneqartarfinut imeqqutammiittunut siaruaassinnaasarluni, imaluunniit timip pisataanut allanut. Ajornanngikkaangat utertoorneq pilataanikkut, qinngortaanikkut, imaluunniit kemomik katsorsarneqarsinnaasarpog.

Usummik peersilluni pilattartereernerup kingorna nappaammik utertoqqinnissamut aarlerinaat annikinnerusarpog

Usummik atatitsiinnarluni (pilataanikkut imaluunniit qinngortaanikkut) katsorsaaneq nappaammik utertoornissamut aarlerinaateqarnek annertunerulersittarpaa, tassani usuup ilaanik tamakkerluguluunniit peersinermingaanniit annertunerusarluni. Taamaammat ukiut siulliiit nakkutigineqarluni misissortittarnernut akulikitsumik takkuttarnissaq pingaaruteqarpoq, aamma tassani usuk pigiinnarlugu katsorsartissimagaanni.

Nappaammik utertoornermi malunniutaasartut

Nappaammik utertoornermi malunniutaasartut tassaakkajuttarput ikeq nutaaq, imaluunniit usummi tinuneq nutaaq.

Imeqqutammi nappaammik utertoorneq pullattoqarnikkut imaluunniit tinunermik nutaamik takkuttoqarnikkut malunniuteqartarpoq. Tinuneq annernarsinnaasarpog, kisianni nalinginnaasumik annernartoqarnek ajorpoq.

Nappaammik utertoqqinneq

Nappaammik utertoqqinnissamut aarlerinaat katsorsartereernerup kingorna ukiut tallimat ingerlaneranni annertunerusarpog.

Tassa imaalluni, nappaammik malunnartoqarani ukiut arleneri sivitsoriartortillugit, nappaatip utertoornissaanut aarlerinaat annikinnerulertarmat.

Nappaatip uteqqinnissanut aarlerinaammi katsorsartinginnermi nappaatip killiffia aamma katsorsaariaseq suna atorneqarsimanersog apeqqutaasarpog.

Nappaammik utertoornermi malunniutit malugigukkit, taava nakorsiarit:

Nutaanik malunniutinik malugisaqaruit imaluunniit nakkutigineqarlutit misissortittarnivit akornanni ernumalissaguit. Taava nakorsavit attaviginissaa pingaaruteqarmat.



Malunniutit imaassinnaapput:

- Ikeq, tinuneq, imaluunniit usummi allannguutit allat
- Imeqqutammi pullattoorneq

Nappaammik utertoqqinnermut pasitsaassinikkut misissuinerit

Nappaammik utertoqqinnermut pasitsaassinikkut nakorsap usuk ikeqarnerseq misissussavaa, aamma usummi allanngortoqarnerseq.

Nakorsaq imeqqutammi pullattoornermik nassaassaguni, taava PET/CT-mik tarrarsuissaaq, tassani takuniarlugu imerajuup sorujuarneqartarfinut kuutsimiittunut siaruaattoqarsimanerseq, imaluunniit timip pisataanut allanut siaruaattoqarsimanerseq misissussallugu.

Tarrarsuinerimi imerajuup sorujuarneqartarfinut kuutsimiittunut, imaluunniit timip pisataanut allanut, taava imerajuup sorujuarneqartarfiini kuutsimiittuniit misissugassamik peersilluni misissuisaaq (sentinel node). Misissugassatut piikkap imeqqutammut siaruaattoqarsimaneranik takussutis-saqarpat, taava imeqqutammi imerajuup sorujuarneqartarfii illuatungaaniittut peerneqassapput. Imerajuup sorujuarneqartarfinut marluk sinnerlugit siaruaattoqarsimappat, imaluunniit imerajuup sorujuarneqartarfinut akimut kræfti naasimappat, taava kemomik imaluunniit qinngortartinnissamik neqeroortoqassaaq.

PET/CT-mik tarrarsuisoqareererani kuutsimi imerajuup sorujuarneqartarfiini pullattoqarpat, taava misissugassamik peersilluni misissuisoqassaaq, tassani ilumut kræfteqarnerseq paasiniarlugu.

Kræfti piinngippat

Ataasiarluni kræfteqarsimagaanni, taava inunnut amerlanernut eqqarsaatigiinnarneqalersarpoq kræftip takkuteqqinnissaa. Taamaakkaluartorli kræfti takkuteqqikkaangat sakkortooujussuarmik tiguneqartarluni.

Katsorsarneqarnissamut periarfissaqaraluartoq ilaanni imaassinnaasarpoq, tassa kræftimik katsorsarneqarsinnaanngitsumik peqarluni inuusariaarneq.

Kialluunniit ilisimaneq ajorpaa nappaatip kræftip qanoq pinissaa, kisianni nakorsat ilisimasatik misilit-takkatillu atorlugit, paasitissinnaavaatsit qanoq ingerlasoqassanersaq.



Kalaallit Nunaanni:

Kræftimut akiuiniarluni suliniaqatigiiffik Neriuffik, Kalaallit Nunaanni sumiiffinni amerlasuuni immikkoortotaqarfeqarpoq. Ilinnut qaninnerpaaq qanorlu saaffigineqarsinnaanersoq napparsimavimmi sulisunut nakorsanullu paasinarsinnaavat. Imaluunniit Neriuffiit Kattuffiat Nuummiittoq attavigisinnaavat uunga:

Neriuffiit Kattuffiat

Postbox 41

3900 Nuuk

Oq.: +299 49 04 89

Fax +299 31 25 04

neriuffik@greenet.gl

Facebook: Neriuffiit Kattuffiat

www.neriuffik.gl

